

## HEADLINES

- ۱۔ وزیر اعظم نریندر مودی نے کہی وکہ حالیہ واقعات ثابت کرے کہ بھارت غے کلاف جس نانہہ پراکسی وار کہاں دراصل ایک باقاعدہ جنگی حکمت عملی ہے۔
- ۲۔ حکومت نے پہلگام مانہہ کابینہ غو خصوصی اجلاس منعقد کیو تے وزیر اعلیٰ عمر عبداللہ نے کہی وکہ ہم دہشت گردی غا بزدلانہ کاروائیاں تے خوف ذدہ نہیں ہاں۔
- ۳۔ سرحدی حفاظتی فورس غا انسپکٹر جنرل سشانک انند نے کہیو کہ بین العقوامی سرحد ور مکمل چوکسی برقرار ہے تے آپریشن سندور جاری ہے۔
- ۴۔ بالی وڈ اداکارہ ہما کریشی پلک جموں غا سچیت گڑھ مانہہ گولہ باری تیں متاثرہ خانداناں سنگ ملاقات کریں غی۔
- ۵۔ آئی پی ایل ٹی 20 کرکٹ مانہہ اج شام لکھنو سپر جیانت تے رایل چیلنجر بنگلورو غے بشکار مقابلو وے غو۔

\*\*\*\*\*

## PM PROXY WAR

وزیر اعظم نریندر مودی نے اج کہیو کہ حالیہ واقعات نے ثابت کردتو بیکہ بھارت گے خلاف نام نہاد پراکسی جنگ درحقیقت ایک منصوبی بندی جنگی حکمت عملی ہے گجرات غا اگاندهی نگر مہاتما مندد مانہہ ایک عوامی اجتماع سنگ خطاب کرتا وائ انہاں نے کہی وکہ 6 مئی غا واقعات تیں بعد ہون بھارت نانہہ دہشت گردانہ سرگرمیاں غا ثبوت فراہم کرن غی ضرورت نہیں رہی تے ثبوت ہون سرحد پار آلا خود فراہم کر رہیا ہیں۔ وزیر اعظم نے نشاندہی کی ماریا جان آلا دہشت گردان نانہہ پاکستان مانہہ سرکاری اعزازات نال نوازیو جے تے ان غا تابوتاں ور قومی پرچم پلیٹ غے پاکستانی فوج غی جانب تیں سلامی پیش کی جے۔

\*\*\*\*\*

## SPECIAL CABINET

جموں کشمیر حکومت نے اج پہلگام گا سیاحتی مقامور کابینہ گی اک خصوصی میتنگ منعقد کی تانجے 22 اپریل نانہہ ہوا ایک دہشت گردانہ حملہ جس مانہہ 26 لوکاں گیجان لینا آلا بزدلانہ حملہ دہشت گردی تے تشدد گے خلاف ایک طاقتور پیغام دتو جاسکے۔ یوہ پیغام صرف معمول گی انتظامی مشق نہیں بلکہ ایک واضح پیغام تھو کہ ہم دہشت گردی گی بزدلانہ کاروائیاں تیں خوفزدہ نہیں ہاں، امن گا دشمن مارا عزم نانہہ کہٹ نہیں کرسکتا تے جموں کشمیر دہشت گردی غے خلاف مضبوطی سنگ کھڑو ہے تے بے خوف ہے۔

\*\*\*\*\*

## IG BSF

جموں فرنٹیر گا بی ایس ایف گا انسپیکٹر جنرل سشانک انند نے کہی وکہ سرحدی فورس نے بین العقوامی سرحد ور اپنا محافظاں نانہہ کہٹ نہیں ہون دتو اُنہاں نے کہیو کہ آپریشن سندھور جاری ہے تے پاکستان ور بھروسو نہیں کی وجاسکتو اس سلسلہ مانہہ آئی جی نے سرحد ور دراندازی گی کوششیاں غو خدشو ظاہر کیو تے کہیو کہ سرحدی حفاظتی فورس ہائی لارٹ ور بیی آند نے آپریشن سندھور ور ایک پریس کانفرنس مانہہ کہیو کہ ہم اپنا محافظاں نانہہ مایوس نہیں کرسکتا نے سرحد ور ممکنہ حد تیں زیادہ چوکسی برقرار رکھی وی ہے اُن غو کہنو تھو کہ سرحد ور آپریشنل تیاریاں گی اعلیٰ سطح نانہہ برقرار رکھیو گیو ہے تے ایسی اطلاعات وی ہی ہے کہ دشمن کسی قسم گی شرارت سرحد پار تیں فائرنگ دراندازی گا منصوبہ بنا سکے تے ماری حفاظتی فورس تیار تے چوکس ہے۔

\*\*\*\*\*

## DC JAMMU SANJY

جموں گا ڈپٹی کمشنر سچن کمار ویشیا نے جاتے تہاڑے ایک جامع میٹنگ گی صدارت کی اس میٹنگ مانہہ آن آلا شری مارناتھ جی یاترا 2025 گی تیاریاں غ وجائیزو لیو گیو تاہم اس طرح میٹنگمانہہ حفاظتی تے ٹریفک انتظامات یاتریاں گو رہن سہن یاترا اندراج گی سہولیت صفائی ستھرائی وغیرہ گے متعلق اقدامات بارے تبادلہ خیال کیو گیو ڈپٹی کمشنر نے محتاط منصوبہ بندی تے تمام انتظامات نانہہ ہر وقت تکمیل ور زور دتو تے اس گل ور وی زور دتو کہ قائم کردہ پروٹوکول گے مطابق ضروری اقدامات چایا جیں گا اس میٹنگ مانہہ ایس ایس پی جوگیندر سنگھ، ایس ایس پی سکپورٹی۔ اے ڈی سی انسوبا جموال، اے ڈی سی راکیش کمار غے علاوہ ایس ڈی ایم ایس تے دیگر متعلقہ ضلع افسران نے شرکت کی آکاشوانی خبراں آلا شعوبہ سنگ گل بات کرتا واں ڈپٹی کمشنر نے اس طرح کہیو۔

\*\*\*\*\*

## REASI MISSION

ریاسی گا نوجواناں نانہہ باختیار بنان واسطے ایک اہم قدم چاتا واں مشن یووا ایک انقلابی پہل غ ا طور ور باندھے آئی ہے جھیڑی محکمہ روز گار جموں کشمیر حکومت غے تحت شروع کیو گیو ہے یوہ مشن ضلع روز گار و رہنمائی مرکز ریاسی غیزریے نافز کیوجاریو ہے تے اس غو مقصد نوجواناں نانہہ روز گار غا مواقع تلاش کرنو خود روز گاری تے کاروبار غی راہ ور گامزن کرن واسطے مکمل تعاون فراہم کرنو ہے۔ یوہ مشن کئی سرگرمی ور مشتمل ہے جسراں کہ نوجواناں غی پیشہ وارانہ زندگی واسطے رہنمائی فراہم کرے، تے نوجواناں نانہہ اپنی دلچسپیاں صلاحیتاں تے خواب پہچان مانہہ مدد دے۔ اس پہل غا بارا

مانہہ مزید گل کرتا واں ریاسی غی اسٹینٹ ڈائریکٹر امپلائمنٹ اننی وید نے  
اس طرح کہیو۔

\*\*\*\*\*

## HUMA QURESHI

بالی وڈ اداکارہ ہما کریشی پلک جموں غا سچیت گڑھ مانہہ ایک ثقافتی تقریب  
مانہہ مہمان خصوصی ویں غی جہیری جموں سیاحت محکمہ غیجانبیتیں  
اوکروئی باڈر آوٹ پوسٹ ور منعقد کیجاریہے وہ آپریشن سندھور مانہہ شامل  
افواج غا جواناں تے سرحد پار فائرنگ تیں متاثرہ خانداناں تیں ملاقات کریں غی۔  
اس دورہ غو مقصد جموں مانہہ سیاحت نانہہ فروغ دینو ہے تے تقریب مانہہ  
عوام واسطے داخلو مفت ہے۔

\*\*\*\*\*

## DOGRI FOLK PROG

سابتہہ اکیڈمی نوی دہلی غے زیر اہتمام ت جموں کشمیر فن، ثقافت تے زباناں  
غی اکیڈمی غ اشتراک سنگ جموں مانہہ ڈوگری لوک ادب ور 2 روزہ پروگرام  
غو آغاز ہوو۔ یوہ پروگرام براہمہ گماری ہال ترکوٹا نگر مانہہ منعقد ہو رہیو ہے  
پروگرام غ وَاغاز افتتاحی اجلاس تیں ہوو جس مانہہ معروف ادبی شخصیات  
جسراں کہ انوپم تواری سوہان سنگھ ڈاکٹر نیرج شرما تے پروفیسر ریکھا  
سمالوترا نے شرکت کی۔ مختلف ادبیاں تے شاعراں نے ڈوگری لوک گیت  
کہانی تے روایت ور اپنا خیالات پیش کیا۔ اس موقع ور گل کرتا واں جے اینڈ کے  
اکیڈمی آف آرٹ کلچر تے لینگویج غی سیکرٹری برویندر کور نے اس طرح کہیو۔  
تے ڈوگری ایڈوازی بورڈ گا کارڈی نیٹر موہن سنگھ نے اس بارے اس طرح کہیو۔

\*\*\*\*\*

## WASTE TO WONDER

ڈودہ بلدیاتی کونسل غی طرفوں ویسٹ ٹو ونڈر مہم غے تہت ایک خصوصی  
آگاہی پروگرام منعقد کی وگیو جس غو مقصد فضلہ مینجیمینٹ تے منشیات تیں  
بچاؤ غا بارا مانہہ شعور بیادر کرنو تھو ڈپٹی کمشنر دوڈھ برویندر سنگھ نے  
بطور مہمان خصوصی پروگرام مانہہ شرکت کی اس پروگرام مانہہ طلباء نے  
بھر پور حصو لیو تے پلاسٹک کاغز تے دیگر فالتو اشیاء تیں بنایا گیا ماڈل غی  
نمائش کی جس غو مقصد ری سائیکلنگ تے دوبارہ استعمال غے ذریعے ماحول  
غاتحفظ نانہہ فروغ دینو تھو۔ بعد مانہہ ذرائع ابلاغ سنگ گل کرتا واں ڈی سی  
دوڈھ برویندر سنگھ نے اس طرح کہیو۔ اس بارے گل کرتا واں ایک طالب علم نے  
اس طرح کہیو۔

\*\*\*\*\*

## DC KISHTWAR MACHAIL YATRA

ڈپٹی کمشنر کشتواڑ راجیش کمار شون نے شری مچیل ماتا یاترا 2025 غا  
انتظامات غوجائیزو لیو۔ اس میٹنگ غے دوران شری ماا چنڈی سیوک سنستھا  
غا ممباں نے ڈی سی نانہہ مختلف مسائل تیں آگاہ کی وجن تیں ویں سامنا

کرربیا تھا۔ ڈی سی نے تمام خدشات نانہہ سمجھتا واں پی ایچ ای غ ا یگزکیوٹو انجنئیر نانہہ ہدایت دتی کہ پانی تیں متعلق تمام مسائل گو حل کرن واسطے ضلعی سطح تے گلابگڑھ تحصیل سطح ور پانی غی فراہمی تے مسائل نانہہ فوری طور ور حل کرن واسطے 24 گھنٹہ کم کرن آلو کنٹرول روم قائم کریں۔ ڈی سی نے سمارٹ گسٹل خانہ غی تیاری بارے پیش رفت غو جائیزو لیو جن وچوں 10 مچیل بھون مانہہ تے 12 گلاب گڑھ تے مچیل غا رستہ مانہہ بنایا جارہیا ہیں۔

\*\*\*\*\*

## IPL

آئی پی ایل ٹی 20 کرکٹ مانہہ اج شام لکھنو سپر جیانت تے رایل چیلنجر بنگلورو غے بشکار مقابلو وے غو۔ مقابلو لکھنو غا ایکانتا کرکٹ میدان مانہہ کھیڈیو جے غو تے مقابلہ غو آغاز شام 7:30 بجے وے غو۔

\*\*\*\*\*